

ქ. თბილისი

9 იანვარი, 2014 წელი

ერთის მხრივ სსიპ საქართველოს ეროვნული საინვესტიციო სააგენტო (შემდგომში – შემსყიდველი), წარმოდგენილი მისი დირექტორის მოადგილის მაგდა ბოლოთაშვილის სახით და მეორეს მხრივ, ს/ს „ვისოლ პეტროლიუმ ჯორჯია“ (შემდგომში – მიმწოდებელი), წარმოდგენილი მისი გენერალური დირექტორის ვასილ ხორავას სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

### 1. ხელშეკრულების საგანი და ობიექტი

1.1 ხელშეკრულების საგანია შემსყიდველის საკუთრებაში ან სარგებლობაში არსებული მსუბუქი სტანდარტული ავტომანქანების რეცხვის მომსახურების (შემდგომში – მომსახურება) სახელმწიფო შესყიდვა, წინამდებარე ხელშეკრულებით გათვალისწინებული პირობების შესაბამისად (გამარტივებული შესყიდვით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს1“ ქვეპუნქტის შესაბამისად).

1.2 შესყიდვის ობიექტია 140 ერთეული ტალონი, რომლის საფუძველზეც მოხდება სააგენტოს კუთვნილი მსუბუქი ავტომანქანების სტანდარტული რეცხვის მომსახურება. CPV- 50112300

### 2. ხელშეკრულების ღირებულება

2.1 შესყიდვის ობიექტის ფასი განისაზღვრება ლარებში.

2.2 ერთი მსუბუქი ავტომანქანის სტანდარტული რეცხვის ღირებულება შეადგენს 11 (თერთმეტი) ლარს დღგ-ს ჩათვლით.

2.3 შესყიდვის ობიექტის საერთო ღირებულება შეადგენს 1540 (ათას ხუთას ორმოცი) ლარს, (დ.ღ.გ.-ს ჩათვლით).

### 3. შესყიდვის ობიექტის ხარისხი

3.1 მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს.

### 4. შესყიდვის ობიექტის მიწოდების პირობები

4.1 შესყიდვის ობიექტის მიწოდება განხორციელდება ამ ხელშეკრულებით განსაზღვრული წესების დაცვით, ერთიანად ან ეტაპობრივად, ხელშეკრულების ხელმოწერიდან 2014 წლის 31 დეკემბრამდე, შემსყიდველის მოთხოვნის შესაბამისად.

### 5. შესყიდვის ობიექტის მიღება-ჩაბარების წესი

5.1 შემსყიდველის მოთხოვნიდან არა უმეტეს ორი სამუშაო დღის ვადაში მიმწოდებელი მიღება-ჩაბარების აქტით გადასცემს შემსყიდველს მის მიერ მოთხოვნილი ოდენობისა და სახეობის რეცხვის ტალონებს. მიღება-ჩაბარების აქტის გაფორმებისთანავე აღნიშნულ აქტში მითითებული მომსახურება ჩაითვლება შემსყიდველის მიერ შეძენილად. ტალონების გადაცემის შემდეგ მათი დაკარგვის, დაზიანების ან განადგურების რისკი გადადის შემსყიდველზე, ამასთან, უკვე გადაცემული ტალონები არ ექვემდებარება დაბრუნებას ან სხვა სახეობის მომსახურების ტალონებზე გადაცვლას. წინამდებარე ხელშეკრულების ინტერესებიდან გამომდინარე, ავტომანქანის რეცხვის ტალონი – ეს არის მიმწოდებლის მიერ დაბეჭდილი ბარათი, რომელიც განკუთვნილია შემსყიდველისათვის და ადასტურებს მის უფლებას შესაბამის ავტოსამრეცხაოში მიიღოს ავტომანქანის რეცხვის მომსახურება. ყოველ ტალონზე აღნიშნული უნდა იყოს:

- ტალონის ნომერი;
- მიმწოდებლის ლოგო წარწერით „ვისოლი“;
- ტალონის (მომსახურების) სახეობა.

შემსყიდველისათვის გადაცემული ტალონები გააქტიურდება და მათი გამოყენება შესაძლებელი იქნება მხარეთა შორის ტალონების გადაცემის თაობაზე მიღება-ჩაბარების აქტის გაფორმებიდან 1 (ერთი) საათის გასვლის შემდეგ. ტალონების დაკარგვის შემთხვევაში, თუკი შემსყიდველი გონივრულ ვადაში სამუშაო

საათებში აცნობებს მიმწოდებელს დაკარგვის შესახებ წერილობით და მიუთითებს დაკარგული ტალონების ნომრებს, მიმწოდებელი უზრუნველყოფს აღნიშნული ტალონების დაბლოკვას, მათი შემდგომი გამოყენების თავიდან აცილების მიზნით. ამასთან, შემსყიდველს არ აქვს უფლება მოითხოვოს დაკარგული ტალონების სანაცვლოდ ახალი ტალონების გაცემა. დაკარგული ტალონების პოვნის შემთხვევაში, შემსყიდველის წერილობითი მოთხოვნის საფუძველზე, მიმწოდებელი უზრუნველყოფს ტალონების აღდგენას (ბლოკირების მოხსნას). ამასთანავე, ბლოკირებამდე ტალონების გამოყენებით გამოწვეულ შედეგებზე ყველანაირი პასუხისმგებლობა და რისკები ეკისრება მხოლოდ შემსყიდველს.

5.2 ტალონით მომსახურება განხორციელდება ნებისმიერ მის წარმომდგენ პირზე.

5.3 მიმწოდებელი ვალდებულია ტალონის წარმოდგენისთანავე გაურეცხოს ავტომატურად ტალონის წარმომდგენს.

5.4 მომსახურების გაწევა მოხდება მიმწოდებლის ავტოსამრეცხაოებში. მიმწოდებლის ქსელში შემავალი ავტოსამრეცხაოების მისამართები გამოქვეყნებულია მიმწოდებლის ვებ-გვერდზე: [www.wissol.ge](http://www.wissol.ge) და ცნობილია შემსყიდველისათვის.

5.5 ტალონების გადაცემისას მიმწოდებელი გამოუწერს შემსყიდველს ელექტრონულ საგადასახადო ანგარიშ-ფაქტურას (შემდგომში - „ესაფ“) შესაბამის მიღება-ჩაბარების აქტში დაფიქსირებული რაოდენობისა და სახეობის მომსახურებაზე. შემსყიდველი ვალდებულია საგადასახადო კანონმდებლობით დადგენილი წესის დაცვით ასევე ელექტრონულად მოახდინოს „ესაფ“-ის დადასტურება. შემსყიდველის მიერ „ესაფ“-ის დაუდასტურებლობა არ შეიძლება საფუძველად დაედოს მისი მხრიდან შესაბამის მიღება - ჩაბარების აქტში მითითებული მომსახურების შეძენის ფაქტის უარყოფას და არ ათავისუფლებს მას მომსახურების ღირებულების გადახდის ვალდებულებისგან ამ ხელშეკრულების მე-6 მუხლის მიხედვით. შემსყიდველს ასევე არც ერთი საფუძველით არ შეუძლია სადავო გახადოს მისი მხრიდან შესაბამისი „ესაფ“-ის ელექტრონულად დადასტურების ფაქტი, ვინაიდან შესაბამის ელექტრონულ საშუალებებთან წვდომა გააჩნია მხოლოდ შემსყიდველს, „ესაფ“-ის ელექტრონულად დადასტურების პროცესი არ კონტროლდება მიმწოდებლის მიერ და შემსყიდველი თავად განსაზღვრავს იმ პირის ვინაობას, რომელიც უშუალოდ მოახდენს შემსყიდველის მხრიდან „ესაფ“-ის ელექტრონულად დადასტურებას.

5.6 წინამდებარე ხელშეკრულების მოქმედების პერიოდში ამავე ხელშეკრულების 5.1 პუნქტით გათვალისწინებული ტალონების მიღება-ჩაბარების აქტების ხელმოწერაზე უფლებამოსილი პირი შემსყიდველის მხრიდან არის ვლადიმერ მჭედლიძე პირ. №25001009252 (სახელი, გვარი, პირადი ნომერი) და ეს უფლებამოსილება არ შეიძლება გახდეს სადავო შემსყიდველის მხრიდან. შემდგომში ამ პირის უფლებამოსილების გაუქმება ან შეზღუდვა იურულიულ ძალას შეიძენს მხოლოდ იმ შემთხვევაში, თუ მიმწოდებელს წერილობით ეცნობება ამის თაობაზე ან თუ მხარეთა შეთანხმებით შესაბამისი ცვლილება შევა წინამდებარე პუნქტში. სხვა პირისათვის ამ უფლებამოსილების მისანიჭებლად ასევე საჭიროა შესაბამისი წერილობითი მინდობილობა ან მხარეთა შეთანხმება.

## 6. ანგარიშსწორების ფორმა, გრაფიკი (ვადები)

6.1 ანაზღაურება მოხდება უნაღლო ანგარიშსწორებით.

6.2 შემსყიდველი ვალდებულია გადაუხადოს მიმწოდებელს შეძენილი მომსახურების ღირებულება ხელშეკრულების 5.1 პუნქტის მიხედვით რეცხვის ტალონების მიღება-ჩაბარების აქტის გაფორმებიდან არაუგვიანეს 10 (ათი) კალენდარული დღის განმავლობაში.

## 7. მხარეთა უფლება-მოვალეობანი

7.1 შემსყიდველს უფლება აქვს:

7.1.1 შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან;

7.1.2 მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება;

7.1.3 დაასწროს თავისი წარმომადგენელი (მძღოლი) ავტომატურად რეცხვის პროცესს.

7.2 შემსყიდველი ვალდებულია:

7.2.1 მოახდინოს ანგარიშსწორება მიმწოდებელთან ამ ხელშეკრულებით განსაზღვრულ ვადებში;

7.2.2 წერილობითი ფორმით გონივრულ ვადებში აცნობოს მიმწოდებელს მომსახურების გაწევის დროს აღმოჩენილი რაიმე წუნის შესახებ;

7.2.3 დაიცვას ხელშეკრულებით გათვალისწინებული პირობები.

7.3 მიმწოდებელს უფლება აქვს:

7.3.1 მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობების შესაბამისად;

7.3.2 მოითხოვოს შემსყიდველისაგან ხელშეკრულების სხვა პირობების დაცვა.

7.4 მიმწოდებელი ვალდებულია:

7.4.1 ავტოსამრეცხაოში რეცხვის ტალონების წარმოდგენისთანავე გაუწიოს ტალონის წარმოდგენ პირს ტალონში აღნიშნული მომსახურება;

7.4.2 დაიცვას ხელშეკრულებით გათვალისწინებული ყველა პირობა.

### **8. მხარეთა პასუხისმგებლობა ხელშეკრულების დარღვევისას**

8.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

8.2 შემსყიდველი უფლებამოსილია მიმწოდებლის მიერ ხელშეკრულებით განსაზღვრული მომსახურების/ტალონების მიწოდების ვადების დარღვევის შემთხვევაში დააკისროს მიმწოდებელს პირგასამტეხლო დროულად მიუწოდებელი მომსახურების/ტალონების ღირებულების 0,1%-ის ოდენობით ყოველ გადაცილებულ დღეზე.

8.3 გადახდის ვადის დარღვევის შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ გადაგადაცილებულ დღეზე დროულად გადაუხდელი თანხის 0,1%-ის ოდენობით. ასეთი უფლებით მიმწოდებელმა შეიძლება ისარგებლოს მხოლოდ საკუთარი შეხედულებისამებრ და იგი არ წარმოადგენს მის ვალდებულებას.

8.4 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური ოდენობა გადააჭარბებს ხელშეკრულების ღირებულების 3 (სამი) პროცენტს, შემსყიდველს ან მიმწოდებელს უფლება აქვთ შეწყვიტონ ხელშეკრულება.

### **9. ხელშეკრულების მოქმედების ვადა**

9.1 ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან მხარეთა მიერ ნაკისრი ვალდებულებების სრულ და ჯეროვან შესრულებამდე (მომსახურების შეძენის ვადა - 2014 წლის 31 დეკემბრამდე).

### **10. ხელშეკრულების პირობების გადასინჯვის შესაძლებლობა**

10.1 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.2 საქართველოს სამოქალაქო კოდექსის 398-ე მუხლით გათვალისწინებული საფუძვლის არსებობისას, მიმწოდებელი უფლებამოსილია შეცვალოს (გაზარდოს) რეცხვის ღირებულება, რის შესახებ ის 10 დღით ადრე წერილობით აცნობებს შემსყიდველს. საქართველოს სამოქალაქო კოდექსის 398-ე მუხლით გათვალისწინებული პირობის დადგომის შემთხვევაში, დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

### **11. დავები და მათი გადაწყვეტის წესი**

11.1 ხელშეკრულების შესრულების პროცესში მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

11.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

### **12. ფორს-მაჟორი**

12.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

12.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

12.3 მხარე, რომელსაც შეექმნა ფორს-მაჟორი გარემოება, დაუყოვნებლივ წერილობით აცნობებს ამის შესახებ მეორე მხარეს.

### 13. ხელშეკრულების ინსპექტირების პირობები

13.1 შემსყიდველი უფლებამოსილია მომსახურების გაწევის პარალელურად მოახდინოს მომსახურების შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

13.2 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული მომსახურების ნაწილის და წუნდების მიზეზების მითითებით.

13.3 გამოვლენილი დეფექტის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

### 14. სხვა პირობები

14.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

14.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.4 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

### 15. მხარეთა რეკვიზიტები და ხელმოწერები


შემსყიდველი:

სსიპ საქართველოს ეროვნული  
საინვესტიციო სააგენტო  
მის: ქ. თბილისი, ყაზბეგის ქ. № 3-5  
ს/კ 204990082  
ეროვნული ბანკი  
ბ/კოდი: 220101222  
ა/ა № 200122900

მიმწოდებელი:

ს/ს „ვისოლ პეტროლიუმ ჯორჯია“  
მის: ქ. თბილისი, ი. ჭავჭავაძის გამზ. №74ბ  
ს/ს „თიბისი ბანკის“  
მარჯანიშვილის ფილიალი  
ბ/კოდი: TBCBGE22  
ა/ა № GE48TB1100000018467453  
ს/კოდი: 202161098

სსიპ საქართველოს ეროვნული  
საინვესტიციო სააგენტოს დირექტორის  
მოადგილე



მაგდა ბოლოთაშვილი

ს/ს „ვისოლ პეტროლიუმ ჯორჯიას“

გენერალური დირექტორი

ვ. ხორავა

თარიღი : 1/10/2014

ქ. თბილისი

მიღება ჩაბარების აქტი N 9687

ჩვენ ქვემოთ ხელისმომწერნი, ერთის მხრივ -სს "ვისოლ პეტროლიუმ ჯორჯია" (შემდგომში "მიწოდებელი") მისი წარმომადგენლის ეკა იაშვილის, და მეორეს მხრივ, საქართველოს ეროვნული საინვესტიციო სააგენტო (შემდგომში "მყიდველი") მისი წარმომადგენლის ვ.მჭედლიძის სახით, ემოქმედებთ რა ჩვენს შორის დადებული N 504 ნასყიდობის ხელშეკრულების საფუძველზე. ვადასტურებთ, რომ გამყიდველმა გადასცა, ხოლო მყიდველმა მიიღო ქვემოთ ჩამოთვლილი მატერიალური ფასეულობანი:

საქონლის დასახელება	რაოდენობა	ერთ, ფასი (დღგ-ს გარეშე)	საქონლის ღირებულება	დღგ %	დღგ-ს თანხა	ღირებულება დღგ-ს ჩათვლით	ერთ. სარეალბაციო ფასი
ავტომობ. რეიქვა (Standard-1)	140	9.3220	1,305.08	18%	234.92	1,540.00	11.0000
	140		1,305.08		234.92	1,540.00	

აღნიშნული მომსახურება მყიდველს გაეწევა მიწოდებლის აგს-ბზე ტალონების საფუძველზე, რომელიც მას გადაეცა მიწოდებლის მიერ მომსახურების შექმნისას. მიწოდებლის აგს-ებო განლაგებულია ქ. თბილისში შემდეგ მისამართებზე:

1. ქ. თბილისი, მტკვრის მარჯვენა სანაპირო, "ბაქტერიოფაგი"-ს მიმდებარედ (უკვე 24 საათიანი სერვისი);
2. ქ. თბილისი, ქეთევან წამებული გამზ. N 71-ის მოპირდაპირე მხარეს
3. ქ. თბილისი, ერისთავის ქუჩა I, მეტრო დიდუბის მიმდებარედ.
4. ქ. თბილისი, ვაჟა-ფშაველას გამზირი (რესპუბლიკური საავადმყოფოს მიმდებარედ);
5. ქ. რუსთავი, შარტავას 4-ის მიმდებარედ
6. ქ. თბილისი, თამარაშვილის ქუჩის გამყოფ ზოლში;
7. ქ.თბილისი ავჭალა.ღვინის ქარხნის მიმდებარედ.
8. ჯიქიას ქუჩა N 2ა უნივერსიტეტის მადლივი კორპუსის მიმდებარედ

მიიღო:

ჩააბარა: